

安福縣志卷之二十八

古蹟

古景

古墓附

山川景物名勝無窮然未遇其人則湮沒而不傳者多矣惟夫名卿碩彥偶爾流連羽客騷人時爲吟賞遂使後之人摩挲故物憑弔遺蹤有徯徊而不置者而其地其人乃因之以不朽至於荒墳敗隴過而生袁斷碣殘碑讀之墮淚採樵所禁亦得備書必欲卽景抒吟採幽覽勝使山川景物入我襟懷則請以俟諸嗜古好奇之士志古蹟

安福縣志

古蹟

一

卷之二十八

桂花井在縣北二里古桂一株下有八景相連

石龜在縣西八里平地一石臺形如龜相傳唐時雷擊其頭墜地

白陽石在縣東二十里將軍山上天將雨瑩光爛然
腳跡巖在縣東二十里漢紀信追項羽於將軍山下
羽踏巖夜遁腳跡猶存下有渡亦以此名

觀音巖在縣東二十五里石墨山宋李仁修煉處石
上有搗藥臼旁有二星巖卽李仁與二童點化之石
石墨在縣東二十五里石墨山有石似墨晉車武子

讀書山下用以代墨

涓洞在縣西二十八里小銅山較觀音洞稍狹可容一二人中有積水不知其淺深終年不涸擊以石戛然有聲經久方滅雖炎暑至洞門寒氣凜然

烽堆在縣東南三十里漢馬援征武溪蠻時築此以爲烽燧高聳岡上紫氣騰聚故名

觀音巖在縣西三十里小銅山石洞內洞如屋數椽上有石級可登四面石筍環列中一大石屹立如神像日夜滴水遇早有雲氣晨出洞門必有大雨土人

安福縣志

古蹟

二

卷之二十八

占驗不爽

七星伴月石在縣西三十里道源礮上礮成廿餘年忽於海面東首現出長二尺五寸廣一尺二寸月去星一尺斗口四星吸北杓三星指南形如酒盞月大二分許圜青黑稜起中微凹似白沙圜外鮮明紫潤波磔廻旋若雲蒸霞蔚者然誠奇景也圍以石欄建亭其上邑令何寅斗題額鄭炯作記并詩八章及諸文人歌詠建碑礮上

過馬灘在縣南二十五里層巖峭磴橫掛飛湍上有

馬踏跡相傳漢高祖南征乘馬過此

〔獅子巖〕在縣西三十五里余家溪口有石纍纍不下數十大者高丈許形如獅子屹立水中

〔雷打巖〕在縣北六十里昔有人掘壙取煤一神誘出雷卽劈石塞之

〔照胆崖〕在縣西南七十五里近桃邑香爐岡地屬安福懸崖山半中有坡闊三四尺古松上聳勢如張蓋崖下石壁晶瑩可鑑望右神人鬚眉畢現崖頂篆刻照胆崖三字邑庠胡培林五古一首入藝文

安福縣志

古蹟

三

一卷之二十八

〔碧崖泉〕在縣西北六十里夾山唐中和間僧傳明白鶴林飛錫於此有僧問何處是夾山境答以猿抱子歸青嶂嶺鳥啣花落碧崖泉之句

〔停弦渡〕在縣北四十里昔漢司馬相如攜琴過此停弦而渡因名今南岸有廟

〔虎踏石〕在縣東五十里兩虎山下對峙之間巨石橫亘宛有虎足跡深四寸許歷久不磨州牧何十樵有詩載藝文

〔白雲石〕龜在縣東二十里阮山之巔有大石形如龜

相傳昔人夜行遇大龜於道拔刀斬之移時不見疑卽其物也今石間形跡宛然

〔三星伴月〕在縣南烽墩岡東北里許山勢如月中古松一株歷數百年干霄直土前有三堰環拱故名

〔百鹿洞〕在縣南五十里太浮山世傳浮邱子修煉處苦蕒嶺距白鹿洞里許相傳浮邱子嘗種苦蕒處

〔天池〕在縣東六十里七始山上有生成巖堰相傳七姑浴丹處故名天池至今池水澄清大旱不涸

〔覆船洲〕在縣北四十里河干回巒突起廣十數丈狀

安福縣志

古蹟

四

卷之二十八

若覆舟上爲張公渡下爲蕭家渡皆林木參差宛然船形首尾帆檣並集故名舊志載入外紀一作米石崖謂爲神人覆舟於此後化爲石者非

伏波樹在停弦市後乃古樟一株大可九人合圍世傳漢馬援征蠻時所植故名今老幹扶疏曾於道光六年自焚久之復茂有僧就傍結廬名大善寺

〔大樟樹〕在縣北七十里皇經臺旁世傳臺爲前明庠生邱兆亨以誦經爲屋其上其妻余氏樹臺側以樟今大可十圍有四時榮茂之異

風洞在縣北八十里龍鳳山頂峭壁嶙峋中有穴淵
邃莫測投以石隱然有聲俄而微風上騰令人寒慄
洞子眼在新安南石壁上有眼如櫺大者可布一席
小者可容數人共四十八眼相傳爲黃范對奕處
金雞洞在縣兆八十里伏牛山半有孔似窗櫺深數
丈世傳近洞居者夜半聞雞啼天曉視之無有也
觀音洞在縣北八十里觀音巖下洞極深奧內一堂
甚寬可容百餘人有石床石枕石臺等跡壁上石像
無數宛似人工鏤成相傳昔有謫仙過此曾題談經

安福縣志

古蹟

五

卷之二十八

憑鳥語說法度松聲之句

附
古景

城外八景

墨山聳翠

縣東石墨山晉車武子讀書處山形高聳山多草
木蒼然如薺有時含煙帶雨滴翠浮青氣佳哉鬱
鬱葱葱自遠望之似披一幅潑墨圖也

道水拖藍

道水目道源橋繞縣城出道口曲折數十里波流

清澈平拖如練兩岸樹影山光交相掩映泫泫然
作蔚藍色打漿中流舟泛瀟湘之勝

看花芳嶺

嶺在縣東相傳楚大夫宋玉嘗看花於此迄今人
徃風微而山上野卉爭妍清芬撲鼻行人遊客來
徃尋芳摘翠披紅不勝香草美人之慕

哦句平臺

唐李羣玉讀書臺在縣北伏牛山畔

有兩埠微高而頂平故又

名平臺羣玉以詩鳴於唐此蓋其徜徉吟嘯處今能

安福縣志

古蹟

六

卷之二十八

詩好古之士徃徃登高作賦觴咏流連聽哦句之
聲當有繼文山揚起者

古老危峰

古老山在縣之北特立數百仞凌空嵒嶽氣象尊
嚴俯視諸峰儼如兒孫羅列時而晴雲罨靄面目
可窺時而烟雨迷離鬚眉不露登城眺望令人肅
然生仰止之思

觀音幻蹟

縣北觀音巖多生成石像巧類雕鏤咸以爲佛法

有靈現種種色相殊不可解惟是山虛水深萬籟
蕭蕭古無人踪惟石巉嶢此景亦最爲幽絕□

楚城夕照

卽縣東宋玉城

縣北申鳴城同

詳見古城考雉堞圯毀僅

餘土堆蔓草荒烟夕陽慘澹徘徊憑弔風景蕭然
讀賈誼宅詩云秋草獨尋人去後寒林空見日斜
時同此一番惆悵

漢壘秋風

縣東將軍營住擔糧等山皆漢張良陳平紀信營

安福縣志

古蹟

七

卷之二十八

壘處每秋風振響山谷皆鳴八公山草木成兵不
過爾爾雲飛而思猛士大風歌至今如或聞之

案以上八景爲邑中景物最勝者前人頗多詩句
入藝文他如風戶之投石騰飈洞樞之客坐對奕
暨諸種蕘卧牛幻跡
未遑殫述焉舊志

城內八景

飛磬石聲明天啟元年有石磬飛至眞武廟至

國朝乾隆四十年重修學宮五月望日夜飛宮前叩之
有聲悠揚清徹因置架懸於鐘側至今現存

繡水玉帶源出馬鞍山入西關出東關波流潏洄旋

繞如帶知縣徐騰芳名曰玉帶水

潁池夜皎學宮前有外潁池周約二畝餘澄波見底
月夜水光相涵塵氛盡滌徘徊瞻眺清景宜人

奎樓朝熙樓在東門內文昌閣前綠疇環繞旭日初
升熙熙遠望如登春臺

書田春饁西齋署旁田數畝訓導唐廷琇捐置至今
招人佃種春深時男耕婦饁如在畫圖

署柳夏涼西齋署前古柳一株訓導凌瑩植高約數
丈細葉柔條臨風嫋嫋合署陰涼

安福縣志

古蹟

八

卷之二十八

靈桂秋芳文昌閣內丹桂二株秋時吐芳東主文科
西主武科若兩秀則文武並榮驗之不爽

仙橋冬潔在南門內原名栢家橋後改爲迎龍相傳
有仙人卧此世以隆冬大寒飄雪立融爲異

太浮山八景康熙中歲貢楊瑛俱有詩入藝文
第一峯卽金頂上建有廟觀數處是山九十二峯此
峯爲最

頓筆峯在三臺峯之陰紫竹林下秀削尖穎如頓筆然

三臺峯在第一峯之北乾溪容左嶺上高與頓筆等

三峯品峙上應台垣

鍊丹臺在仙人臺之右有石長丈許寬七尺浮邱子鍊丹於此

對奕臺在仙人洞對面山中有大石一塊方正平坦宛現對奕之形

觀音巖在仙人洞對面山上有石森立如觀音合掌洞口可一望而見

珍珠洞在小浮山下清潭嶼上有玉皇廟左珍珠洞右螭蟻洞水出高公橋

安福縣志

古蹟

九

卷之二十八

搗藥臼在仙人洞口臼旁微缺浮邱子搗藥於此四季皆有真水

醉翁石去仙人洞里許巖勢側卧如老翁醉眠

荷花泉在南頭嶺下與六合埡近山勢陡立其下泉水湧出形如荷花故名今已成堰大約畝餘可灌田種二十餘石遇旱用車汲水掘至數丈餘內多石條沙子探求真水祈雨立應

沉香井一名白龍井在第一峯後勢最高水湧不竭金頂廟僧前後山居悉供取注

仙人洞在第一峯西南相去四里上覆以巖下皆石底洞前懸巖如獅齒相傳爲浮邱子鍊丹處

萬松嶺在第一峯南黑山溪左萬松蒼翠黑暗沉沉明榮王嘗欲葬皇墳於此

紫竹林在蛇形嶺下紫竹蒙茸浮青滴翠清幽異常犀牛蹟在仙人洞對面南竹灣嶺上路傍一石脚蹟宛然○

鳳皇山在楓香塌右形如鳳翔

桃花港在浮山寺嶼口多桃樹故名

安福縣志

古蹟

十

卷之二十八

海棠溪在白菓樹南金庵之下以向有海棠得名

天心堰

有五處

此在鳳凰山上世得有興雲致雨之異

洗墨池在乾溪嶼腦上頓筆峯下有自生石井

飲馬池在山南朶耳巖下相傳爲漢高祖飲馬處

鐵瓦廟在第一峯南太子宫之前相傳馬援曾南征過此舊有廟今廢其右有滴水洞

百雲菴在風香塌右鳳凰山下今久廢遺址猶存

雲芝菴在山北陳溪嶼腦上

道水橋八景舊有元蒙古學正劉世英古詞八闋

今佚惟前明舉人劉堂集唐八首劉堅古風一首俱載藝文

橋橫道水 仙鍊浮邱 南寺曉鐘 北窗夜讀
錦溪漁唱 銅嶺樵歌 農耕余畝 牧放墟坡

道源橋八景邑令鄭炯有詩載藝文

七星伴月 五雷流泉 翠擁銅嶺 霞照金岡

南洲暮雲 北園新涼 花流錦溪 雲鎖浮邱

龍鳳山八景

鳳嶺盤空 螺峯聳翠 洞壑清風 磨泉碎玉

安福縣志

古蹟

十一

卷之二十八

峻嶺走馬 靈山伏龜 龍潛古井 牛跡仙潭

新安鎮八景

道溪秋月 銅嶺雲橫 洞巖仙侶 奎閣書聲

尖峯晚景 灘聲課晴 福田暮鼓 古渡晴帆

附
古墓

周楚大夫申鳴墓在縣北五十里合口市壽光寺劉向說苑楚有士申鳴王欲相之辭不受其父曰汝何不受對曰舍父之孝子爲王之忠臣何也其父曰吾欲汝之相也鳴遂入朝楚王因授之相居三年白公

爲亂鳴以兵圍之白公往取其父持之以兵告申鳴
曰子不吾與子父則死矣鳴流涕而應之曰始吾父
之孝子也今吾君之忠臣也援桴鼓之殺白公其父
亦死申鳴遂自殺今祀澧州鄉賢

楚大夫宋玉墓在縣東二十里浴溪河南岸卽澧長
樂鄉向有墓碑人誤稱宋王墳唐李羣玉辨之有雨
蝕玉文旁沒點至今錯認宋王墳之句

宋許恭人墓在長樂西村離城二十里夫名未詳惟
碧瓦花礎今猶狼藉草間有小碑

安福縣志

古蹟

十二

卷之二十八

明太子太保謚康和李充嗣墓在縣西北九十里觀
音巖充嗣字士修父吉安四川內江人給事中李蕃
孫也吉安任華府教授遂家於澧充嗣登明成化憲宗

年號進士選庶常改外任多異政至南京巡撫寧庶人

稱兵以安慶當賊衝屬都督楊銳死守因是主守仁
得直搗其穴又治河有功晉工部尙書嘉靖世宗初

被詔陳言條八事以聞擢兵部尙書累疏乞歸薦王
守仁自代賜乘傳歸澧及卒勅塋贈太子太保謚康
和著有梧山集長子李松蔭授光祿署正陟大理府

同知次子槃登嘉靖戊戌進士授中書舍人調工科
給事中出爲臨江知府卒祀澧州鄉賢克嗣入岳州
名宦志嚴明廉介造士愛民

戶部尙書李如圭墓在縣北八十里白巖山如圭字

國寶澧州人明永樂年成祖號庚子舉人李通之孫登宏

治年孝宗號己未進士初知江西安福縣調建昌釐弊剔

奸盜賊望風逸去按福建貪酷吏無不股栗引退轉
廣西兵備獠猺向化擢都察院值延綏大饑夏文愍
薦爲巡撫疏荒政數十條得便宜行事全活數十萬

安福縣志

古蹟

十三

卷之二十八

人命總理河道易置閘坐引諸湖水益河流糧運乃
通歷晉戶部總督倉場兼西苑農事世宗詣顯陵勅
同靖遠伯王瑾居守陞工部尙書致仕圭學期用世
嘗於書室大書宏濟艱難四字所至表彰先哲激揚後
學御家人無慢容接鄉里不爲崖岸先世所遺悉讓
諸弟歷仕雖久止富圖書著有懷古集祀澧州鄉賢
其弟如璋字國器宏治壬子舉人知遂平縣亦祀鄉
賢

廸功郎熊東溪妻洪善鄉君朱氏合墓在兩汊河上

鎮國將軍李森墓在縣西三十里丫角山下六家鋪
畢藩郭氏墓在縣北三十五里白虎山下虎灣有碑
畢藩乳母鄭氏墓在縣北二十里古老山下嚴家灣
有碑

原志福邑無皇陵有名墓舊志所載或畧焉而未

備

通志止載李圭一人

語焉而不詳

州志紀其名未錄其事蹟

不知生

而爲英死而爲靈如柳下李壟尙有採樵之禁矧
砥行礪名卓越人世以及藩封眷屬忍令埋沒於
荒烟蔓草而不彰耶